



T.B.M.M

DDC : 000.21

YER : T01

BSM :

CLT : c.4

KSM :

KOP : k.2

DEM : 96-9245

KÜTÜPHANESİ

یوزاون سکزنجی ماده اليوم دستور العمل بولنان نظامات وتعامل وعادات ایلروده
وضع اولسه جق قوانین و نظامات ایله تعدیل ویا الغا اولمدهجه مرعی الاجرا
اوله جقدر

یوزاون طقوزنجی ماده مجلس عمومی به دائر اولان فی ۱۰ شوال سنه ۹۳ تاریخی
تعلیمات موقته نك جریان احکامی یالکز برنجی دفعه اجتماع ایده جك مجلس عمومیك
مدت انعقادیه سی ختامه قدر اولوب اندن صکرة حکمی جاری دکدر
فی ۷ ذی الحجه سنه ۲۹۳

❖ هیئت اعیان نظامنامه داخلیدر ❖

❖ برنجی فصل ❖

(رئیس ورئیس وکیلنک مأموریتی وکاتبلرک انتخابی ❖

برنجی ماده هیئت اعیانك بر رئیس و بر رئیس وکیلی ایله ایکی کاتبی وارد
ایکنجی ماده رئیس ایله رئیس وکیلی هیئت اعیان اعضاسی ایچندن اولق
اوزره طوغریدن طوغری به طرف اشرف حضرت پادشاهیدن نصب اولنور
وئیس ایله رئیس وکیلی برسنه ایچون منصوب اولوب هرسنه تمانده تبدیل اولنور
مدتی ختام بولش اولانلرک تکرار نصبی جائدر ریاستدن و ریاست وکالتندن
چیقانلر اعضاقدن ساقط اولز

اوچنجی ماده رئیس وکیلنک وظیفه سی رئیس مقام ریاستده بولمديغی حالده
اجرای وکالتدن عبارتدر

دردنجی ماده هیئت اعیانك هرسنه برنجی اجتماعنده آتی الذکر بشنجی ماده ده
بیان اولنان اصول وجهله ایچلرندن کاتبلرک انتخابنه قدر اعضاادن الک حدیث
السن اولانلرذن ایکی ذات موقتاً کتابت وظیفه سی ایضا ایده جکدر

بشنجی ماده الی ایکنجی ماده ده محرر وظائف ایله مکلف اولدقلری حالده
کاتبلر هیئت اعیان اعضاسی ایچندن اولق اوزره رأی خفی ایله برسنه ایچونه
انتخاب اولنور برنجی دفعه ده اکثریت مطلقه حاصل اولز ایسه تکرار رأی

(خفیّه)

خفیہ مراجعت اولنوب ینہ اکثریت مطلقہ حصولہ کز ایسہ ایکنجی دفعہ دہ یکدیگرہ
نسبتله ال زیادہ اکثریت قزآنان ایکیشر ذات حقندہ رأی خفی اصولی اجرا
ایدیلوب ال زیادہ اکثریت قزآنانلر انتخاب اولنور اوج دفعه نك قنغیسندہ
اولور ایسہ اولسون ایکی ذاتک قزانديغی عدد آرا مساوی اولور ایسہ قرعہ ایله
ایکسندن بری تعیین اولنور رأی خفی صندوقی علناً آچوب رأی ورقہ لرندہ
محرم اسامی بی قید و ضبط ایله نتیجہ سنی بیان ایتک اوزره اعضادن بر قاج ذات
قرعہ ایله تعیین ایدیلور و ختام معاملہ دہ نتیجہ سی طرف ریاستدن بیان اولنور
وقطعیاً کاتب انتخاب اولنانلر در حال ایفای وظیفہ یه مبادرت ایلرلر
التنجی مادہ هر سنہ برنجی اجتماعده کاتبرك قطعياً انتخابی عقینده هیئت
اعیان سکرنجی مادہ دہ بیان اولنان ایکی انجمنك انتخابنه مبادرت ایلر

❀ ایکنجی فصل ❀

(انجمنك صورت تشکیلیله وظیفہ مأموریتلری)

یدنجی مادہ هیئت اعیانہ حوالہ اولنان لایحه و یا اورا قک تدقیقی هیئتک رأیله
اول امرده برانجمنه حوالہ اولنور انجمنلر علی السویه بشر اعضادن مرکب
اولوب انجق مصلحتک درجہ اہمیتنه کوره هیئتک قرار یله بدی یا خود طقوز
اعضادن ترکیب اولنہ یلور انجمن اعضاسنك انتخابی بشنجی مادہ دہ تعیین
اولنان اصولہ تطبیقاً اجرا اولنور
سکرنجی مادہ یدنجی مادہ موجبہ ایجابہ کوره انتخاب اولنہ جق انجمنك
غیری اولہرق ایکی آبدہ بر کرہ تبدل ایتک اوزره بشر اعضادن مرکب ایکی انجمن
تشکیل اولنوب بونلرک بری هیئت اعیان اعضاسندن بر ینک و یا خود بر قاجنک
اعطا ایلدکری لایحہ لری و دیگرى هیئت اعیانہ و یریلان عرضحاللری تدقیقہ مأمور
اولور

طقوزنجی مادہ علی العموم برانجمنك اعضاسی انتخاب اولندیغی عقینده ایچلرندن
برسی ریاستہ و ختام مذاکراندہ دخی قلمہ النہ جق مضبطہ نك تنظیمہ اجرای
قطارت ولدی الحاجہ هیئت اعیانہ اعطای ایضاحاتہ دیگر برسی انتخاب

اولنور و بونلرک انتخابی بشنجی ماده ده تعیین اولنان اصوله توفیقاً اجرا ایدیلور هیئت اعیان رئیسک ایستدیکی انجمنه بالذات ریاست ایتکه صلاحیتی وارد بر انجمنک هراجماعنده موجود اعضانک عدد و اسامیسی او اجتماعک ضبطنده تصریح قلنور و اعضادن هر بری مجلسه کلدیکی وقت اسمنی دفتر مخصوصنه قید ایتکه مجبوردر

اونجی ماده انجمن مضبطه لری هیئت عمومیه ده رئیسه اعطا اولنور و هیئتجه مراد ایدیلور سه علناً قرائت و نسخ مطبوعه سی هر حالده اعضای هیئته توزیع اولنور و مستجمل طوتیلان مواددن ماعدا خصوصانده بوتوزیع بدایت مذاکره دن لاقول بر کون اول وقوع بولق لازم کلور اون برنجی ماده هیئت اعیان اعضاسندن بری ایکی انجمنه اعضا اولدیغی حالده براوچنجی انجمنه اعضا اوله ماز فقط اول ایکی انجمندن برینک ختامیه مضبطه سی اعطا قلنش اولدیغی تقدیرده جائز اولور

❀ اوچنجی فصل ❀

(قانون لایحه لرله تنظیم و یا تعدیل قانون تکلیف لری)

اون ایکنجی ماده هیئت مبعوثانندن هیئت اعیانیه ورود ایدن قانون لایحه لری هیئتجه طلب اولندیغی حالده اول امرده علناً قرائت ایدیلور بعده رئیس قانون لایحه لرینی اسباب موجبیه حاوی تقریر ایه برابر طبع ایتدیروب نسخ مطبوعه سنی اعضایه توزیع ایتدیبر بونلرک یدنجی ماده موجبجه لازم کلان انجمنه حواله رسمیه سنی رئیس اجرا ایدر

اون اوچنجی ماده مجددا بر قانون تنظیمه و یا قوانین موجوده دن برینک تعدیلنه دائر حکومت سنده بر لایحه تقدیمی هیئت اعیان اعضاسندن بر و یا بر قاج ذات تکلیف ایتک ایستدکلری حالده رئیسه اسباب موجبیه حاوی بر تقریر اعطا ایتک لازم کلور بو تقریر هیئت عمومیه ده قرائت اولندقدن صکره تکلیفک نظر مطالعیه النوب التامسی حقنده رایه مراجعت اولنور نظر مطالعیه التمسنه هیئتجه قرار و یریلور ایسه سکزنجی ماده ده بیان اولنان انجمنه حواله ایدیلور (حواله)

حواله اولنان تکلیف حقنده انجمنک تنظیم ایلدیکی مضبطه هیئت عمومییه کلوب قرائت اولندقدن و هیئجه مذاکره جریان ایلدکدن صکره رایه مراجعت اولنور اکثریت آرا ايله قبول اولنور ایسه اقتضاسنک اجراسی ایچون مقام صدارته بر مضبطه تقدیم ایدیلور

اون دردنچی ماده اون اوچنچی ماده موجبجه مجددا تنظیم ویا تعدیل قانونه دائر واقع اولان تکلیف هیئت عمومییه اکثریت آرا ايله رد اولندیغی تقدیرده اوسنه نك مدت اجتماعیه سنده تکرار موقع مذاکره به قونیه مز

❀ دردنچی فصل ❀

(قانون لایحه لرینک هیئت عمومییه ده اصول مذاکراتی)

اون بشنچی ماده برانجمنه حواله اولنان قانون لایحه سنده اساسا امور دینییه و ذات حضرت پادشاهینک حقوق سنییه سنه و حریت و قانون اساسی احکامنه و دولتک تمامیت ملکیه سنه و مملکتک امنیت داخلیه سنه و وطنک اسباب مدافعه و محافظه سنه و اداب عمومییه خلل ویرر بر شی اولوب اولندیغی انجمنجه بعدالتدقیق اویله بر شی کورلر ایسه لایحه نك تمامیه قبولنی و عکسی تقدیرنده یا کلیار دینی و یا خود لزوم تعدیل و تصحیحی مبین تنظیم ایده جکی مضبطه رئیس اعیانه اعطا و نسخ مطبوعه سی اعضای هیئته توزیع اولندقدن صکره يوم مذاکره هیئجه تعیین اولنور

اون التنجی ماده مواد مستجمله نك غیری خصوصاتده هر قانون لایحه سی لافل بش کون فاصله ویرمک شرطیله آری آری ایکی دفعه کاملا قرائت و مذاکره اولندقجه قبول و یاردی حقنده اکثریت آرایه مراجعت اولنمز

اون بدنجی ماده برنجی مذاکره اول امرده قانون لایحه سنک هیئت مجموعه سی یعنی موقع مذاکره به قونیلوب قونلامسی حقنده جریان ایدرک مذاکره عمومییه ختام بولدقده رئیس طرفندن ماده بماده مذاکره اولنوب اولنلامسی هیئندن سؤال اولنوب ماده لرک مذاکره سنه کچلما سنه قرار و بریلور ایسه لایحه نك هیئجه قبول اولندیغی رئیس جانندن بیان اولنور عکسی تقدیرنده لایحه نك مواد

مندرجہ سندن ہر بری صرہ سیلہ مذاکرہ اولندقدن صکرہ ایکنجی مذاکرہ یہ
یکیلوب یکلما سنہ قرار ویریلور
اون سکزنجی مادہ ایکنجی مذاکرہ یہ یکلدکده اثنای مذاکرہ ده هر ماده نك
قبول وعدم قبولی حقنـده آرای هیئـه مراجعت اولنـه رق اکثریتـه قرار ویریلور
بعده لایحه نك قطعیا قبول و یاردی حقنـده آرای هیئـه مراجعت اولنـزدن اول
اعضای هیئـدن هر بری انك قبول و یاردینی مؤید ملاحظـات عومیه بیان
ایده ییلور

اون طقوزنجی مادہ واردات و مضارفات بودجه سنه و محاسبه قطعیه
و تخصیصات ترتیبـه و منافع محلیه عائد قوانین ایکی دفعه مذاکره قاعده سندن
مستثنا اولوب قطعیا قبولی ضمنـده آرای هیئـه مراجعت اولنـقی ایچون بر دفعه
مذاکره کافیدر بوقوله قوانینه عائد لایحه نك اکثریت آرا ایله قبول و یاردی
مواد مستجلبه دائر النجی فصلده بیان اولنان اصوله توفیقا اجرا اولنور
یکرنجی مادہ هیئت اعیانه کلان قانون لایحه لرینی حل و مدافعه ایتمک
ایچون مقام صدارتدن بالاستیذان تعلق ایده جك اراده سنیـه اوزرینه وکلادن
و مستشارلردن و شورای دولت اعضا سندن اوله رق هیئت مبعوثانـده کیملر بولنش
ایسه انلردن مناسب برقاج ذات تعیین و ارسال بیوریلور

❀ بشنجی فصل ❀

(هیئت اعیانه وریلان عرضحالار)

یکرمی برنجی مادہ هیئت اعیانه وریلان عرضحالار صاحبـنك امضاسیله ممضی
اولق و شهرتیه مسکنی عرضحالک زیرنده کوسترلک و برقاج امضایی حاوی ایسه
ایچلرندن برینک اولسون شهرتیه مسکنی تصریح ایدلک و برده صاحبی و یا اصحابی مدعی
صفتـده بولنـقی شرطدر هیئت اعیانه وریله جك عرضحال رئیسـه کوندرلک
لازمکلور هیئت اعیان اعضا سندن برینک واسطه سیله رئیسـه اعطا ایتدیرلک جائز
ایسه ده او حالده واسطه اولان ذات اعطا ایده جکی عرضحال اوزرینه کندو
واسطه سیله ویرلدیکنی شرح ویره رک زیرینی امضا اتمک اقتضا ایدر جمعیتـه
(کنوریلان)

کتوریان ویا کوند ریلان عرضحال رئیس طرفندن قبول اولنه من وهیئت اعیان اعضاسندن هیچ بری طرفندن دخی رئیس اعطا ایدله من
یکرمی ایکنجی ماده عرضحالك ورودی صره سیله هر برینک اوزرینه تاریخ
ونومرو وضع اولنوب خلاصه سی دفتر مخصوصنه قید اولنور عرضحالك
نومروسی وصاحبنك اسم وشهرت ومسكنی وهیئت اعیان اعضاسندن برینك
واسطه سیله اعطا اولنش ایسه اوزاتك اسمی خلاصه ده کوستریلور.

یکرمی اوچنجی ماده دفتره قید اولنان عرضحالك رئیس طرفندن عرضحال
انجمنه کوند ریلور دیگر انجمنك تدقیقنه حواله اولنان لایحه یه عائد اولان
عرضحالك دخی رئیس طرفندن طوغریدن طوغریه وانجمنه ارسال اولنور بر
انجمنه حواله اولنان عرضحالی هیئت اعیان اعضاسندن هر قغیسی مراد ایدر
ایسه وانجمنك رئیسنه مراجعت ایله مطالعه ایده ییلور.

یکرمی دردنجی ماده عرضحال انجمنی کلان عرضحالكی بربر تدقیق و اوج
قسمه تقسیم ایدر برنجیسی وکلای دولندن برینه تبلیغ اولنقی ایجاب ایدن ایکنجیسی
وکلای دولندن برینه تبلیغیه برابر هیئت عمومی جه تدقیقنه لزوم کورینان اوچنجیسی
وکلای دولندن برینه ویا خود هیئت عمومی جه تبلیغ شایان اولیان عرضحالكی
برآمدك شخصندن طولایی اولوبده عائد اولدیغی مأمورین دولته ویا خود او مأمورلرك
منسوب اولدیغی مرجعه اول امرده مراجعت ایتدیکی تین ایدر ایسه ویردیکی
عرضحال کنديسنه رد اولنور بر عرضحال حقنده اتخاذ اولنان قرار عرضحال
نومرو سنك درجیه و تاریخیه تحریراً صاحبنه یلدر ییلور.

یکرمی بشنجی ماده هر هفته عرضحال انجمنه قاچ عرضحال ورود ایدر ایسه
هر برینك نومروسی و تاریخنی وصاحبنك اسم وشهرت ومسكنی و خلاصه
استدعاسی وانجمنه حاصل اولان نتیجه تدقیقات ایله اسباب موجب مجله منی
مبین بر جدول تنظیم اولنوب بونرك نسخ مطبوعه سی اعضای هیئته توزیع اولنور
انجمنه کوریلان لزوم اوزرینه اتحاد آرا ایله قرار ویرلدیکی حالده بر عرضحالك
یالكز نومروسی وصاحبنك اسم وشهرت ومسكنیه برده نتیجه تدقیقات جدول
درجیه اکتفا جائز اولور

یکرمی التنجی ماده عرضحال انجمنی هر هفته کنديسنه حواله اولنان عرضحالك
حقنده اجرا ایلدیکی تدقیقات نایجی منضمین برتقریر تنظیم ایدر و بوتقریر هیئت

عمومیه ده قرائت موقع مذاکره به قوانین عر ضحال حقنده اکثریت آرایه مراجعت اولور

یکرمی یدنجی ماده وکلای دولتن برذاته تبلیغ اولنان عر ضحال دائر نهایت اون بش کونه قدر جواب ظهور ایتمزایسه رئیس طرفندن باند کره تأیید و اخطار اولنور ایکنجی اخطارک دخی جوابی کمرایسه باب عالی به بالمراجعه اول نظارتک یا بالذات ناظری و یا خود معیتی مأمورلندن بری دعوت اولنور

❀ التجی فصل ❀

(استیصال قراری)

یکرمی سکزنجی ماده بر قانون لایحه سنک و یا تکلیفی حاوی تقریرک هیئته حین اعطاسنده مستیجل طوئلسی وکلای دولتن بری و یا تکلیف صاحبی و یا خود اعضای هیئتن بر دیگرى تحریراً طلب ایده یلور بوطلبی حاوی اولان ورقه ده اسباب موجب کوسترک لازمکور

یکرمی طقوزنجی ماده طلب تعجیل قبول و عدم قبولی رئیس سؤال ایدوب هیئته تعجیلی قبول اولندیغی حالده لایحه نک و یا تکلیفک عائد اولدیغی انجمنه وعائد اولدیغی انجمن یوغیسه درحال برانجمن تشکیلیله اکا حواله سنه قرار و بریلور واشبو لایحه و یا تکلیف انجمنه غیر مستیجل اولان اموره تقدیم اولنور

اوتوزنجی ماده تعجیلی قرارکیر اولان لایحه و تکلیفک هیئته کلدکده یالکز بردفعه مذاکره اولنور اول امرده عموم مندرجاتی اوزرینه مذاکره جریان ایدوب بعده ماده بماده مذاکره سنه یکیلوب یکلامسنی رئیس سؤال ایدر ماده لک مذاکره سنه ابتدار اولنسنه هیئت موافقت ایتمزایسه اولایحه و یا تکلیف رد اولنش اولور حکمی تقدیرنده هر ماده نک برر برر مذاکره سنه دوام اولنور

اوتوز برنجی ماده استیصال صورتی هیئته رد اولندیغی حالده لایحه نک و یا تکلیفک مذاکره سی وقراری اصول عادیه به تطبیقاً اجرا اولنور

اوتوز ایکنجی ماده مذاکره اثناسنده تکلیف اولنان تعدیلات و عللاواتک اسباب موجب سی تکلیف صاحبی طرفندن مجلاً بیان اولنور اکر وکلای دولتن (بری)

بری و یا خود لایحه‌نک و یا تکلیفک مضبوطه‌سنگ تنظیمه نظارت ایدن ذات طلب ایدر ایه عائد اولدیغی انجمنه حواله ایدیلور بویه بر طلب وقوع و بولدیغی حالده تنظیم مضبوطه‌یه نظارت ایدن ذات اکادائر مطالعه‌سنی بیان ایلدکدن صکره هیئتجه نظر معالعه‌یه النوب التماسنه قرار و یریلور و یریلان قرار نظر مطالعه‌یه التمسینی متبع ایهه تدقیق انجمنه تکرار حواله اولنور

اوتوز اوچنجی ماده لایحه‌نک و یا تکلیفک حاوی اولدیغی ماده‌لر اکثریت آرا ایله برر بر قبول اولندقدن صکره هیئت مجموعه‌سی حقننده و یریله‌جک قراردن اول اعضای هیئتدن بری انک قبول و یا ردینی مؤید ملاحظات عمومییه بیان ایده‌یلور ینه قراردن اول لایحه‌نک و یا تکلیفک تصحیح عباره‌سنه لزوم کورینور ایهه اجرا اولتق اوزره عائد اولدیغی انجمنه اعاده‌سی جائردر بونی انجمن طلب ایدر ایهه هر حالده اعاده اولتق لازم کور انجمنه اعاده‌سی تقدیرنده بلا تأخیر تصحیحات لازمه اجرا ایله لایحه‌نک هیئته اعطا اولنور هیئتجه قرائت اولندقدن صکره لایحه‌نک جدیدنه‌نک یا لکزه عباره‌سی موقع مذاکره‌یه قونیلور

❁ یدنجی فصل ❁

(استحصا آرانک اصول وقاعده‌سی)

اوتوز دردنجی ماده هیئتک مذاکره‌سنه حواله اولنان خصوصاتک اکثریت آرا ایله قبول وعدم قبولی یارای علنی و یارای خفی ایله اولور رأی علنی اشارت مخصوصه و یا تعیین اسمی ایله اولوب اشارت مخصوصه یاغہ قالمق و یا النی یوقاری قالدیرمقد تعیین اسمی اوتوز یدنجی ماده‌ده محرر اولدیغی وجهله اوزرلرنده اسملری مطبوع و رقدرله رأی و برمکدر رأی خفی دخی اوتوز طقوزنجی ماده‌ده میان اولندیغی وجهله صورت خفیه‌ده اعطای رأی الملکدر

اوتوز بشنجی ماده اشبو نظامنامه‌نک اوتوز التنجی ماده‌سنگ برنجی فقره سیله قرق یدنجی ماده‌سندنه بیان اولنان احوالدن ماعدا جمیع خصوصاتنه رئیس طرفندن آرای هیئته مراجعتده بیان رأی مطلقا یاغہ قالمق و یا النی یوقاری قالدیرمق صورتیه اجرا اولنور و یریلان قرارک نتیجه‌سندن حاصل اولان اکثریت و اقلیتی

تمیز و تعیینه رئیس ایله کانلر مأموردر اکثریتك حصول و عدم حصولنده اشتباه واقع اولدیغنه حکم ایدرلر ایسه برکردها و اصول اجرا اولنور ایکنجی دفعه سنده اولکی نتیجه یی ویرر ایسه تعیین اسمی ایله رأی علنی استحصال ایدیلور هیچ کیسه کرک برنجی دفعه ایله ایکنجی دفعه نك اره سنده و کرک ایکنجی دفعه ایله تعیین اسمی اصولنك اجرایی بیننده ایراد کلامه مأذون اوله مز

اوتوز النجی ماده تعیین اسمی اصولنك اجرایی اولا اوتوز بشنجی ماده ده بیان اولندیغی اوزره نتیجه قرار حقنده ایکی دفعه اشتباه و قوعنده ثانیاً امور مالییه و حکومتك مقتضی کوردیکی مواد مهمه یه دائر قانون لایحه لری حقنده لاددر خصوصات سائر حقنده دخی طلب اولنه ییلور اثنای مذاکراته نظامنامه داخلی احکامنه توفیق حرکتی دعوتی متضمن مسائل ایله اعضای هیئندن برینك ایراد کلامدن منعه و یا تقبیحه دائر مواد مستشار بوزلر هر حالده ایاغه قالمق و یا الی یوقاری قالدیرمق صورتیله قرار کیر اولق لازم کلور

اوتوزیدنجی ماده تعیین اسمی اصولنك اجرایی لاقلا اعضادن عشری مقدارینك طلبنه متوقدر فقط ایاغه قالمق و یا الی یوقاری قالدیرمق صورتنك نتیجه سنده شبه حاصل اولدیغی حالده تعیین اسمی اصولنك اجرایی ایچون اعضای هیئندن یالکز برینك طلبی کافیدر ایشك لهنه و یا علیه تعیین اسمی ایله رأی و برنلرک اسملری ضبط ورقه سنه درج اولنور

اوتوز سکزنجی ماده تعیین اسمی اصولی اعضای هیئت یرلی برینه اوطور مش اولدقلری حالده مجلس خدمه سی رأی صندوغنی کزدیروب اعضادن هربری اوزرنده کندی اسمی مطبوع ایکی نوع ورقه دن یا قبول معناسنه اولان بیاض ورقه یی و یا عدم قبول معناسنه اولان قرمز یی کندینه کتور یلان صندوغك ایچنه اتمقله اجرا اولنور بومعامله تمام اولدقده رئیس طرفندن ختام معامله نك بیانیه برابر صندوغك کتور یلوب رئیسك ماصه سی اوزرینه وضع اولتمی خدمه یه تنبیه اولنور صندوغی کانبله آچوب ایچنده بولنان ورقه لری تعداد و نوعرینی بشقه بشقه ضبط ایتدکن صکره نتیجه سی رئیس طرفندن بیان ایدیلور

اوتوز طقوزنجی ماده تعیین اسمی ایله استحصال آرا اولنه حق اولدیغی حالده انك برینه رأی خفی اصولنك اجرایی طلب ایدن اولور ایسه اجرایی هیئته اکثریت آرا ایله قراره متوقدر رأی خفینك تعیین اسمی ایله اولان فرقی شوقدردرکه

(اعضا)

اعضا کندی اسملرینی حاوی بیاض و قرمز و ورقه لر برینه کندیلرینه ویریلان بیاض و سیاه یوارقلردن برینی ماصه نك اوزرنده کی رأی صندوقه والرنده قاله حق یوارلغی تطبیق صندوقه آتارلر بیاض یوارقلر قبول سیاه یوارقلر عدم قبوله اشارتدر رأی صندوقه بولنان یوارقلری کاتبلر حضور ریاستده مخصوص برتبیسه دوکوب بیاض ایله سیاهلری تفریق وعلنا تعداد ایلدکدن صکره تیین ایدن نتیجه رئیس طرفندن بیان اولنور

قرقچی ماده کرک رأی علنی کرک رأی خفی استحصالی حالنده رأیلرک تعدادینه باشلانلزدن اول یوقله اصولنك اجراسی تکلیف اولنور ایسه اجراسنه بلامذاکره هیئتجه اکثریت ارا ایله قرار ویریلور یوقله اصولی اعضای مرتبه نك اسامیسی صره سیله وکاتبلردن بری معرفتیه اوقونوب حاضر بولنانلر موجود اولدقلرینی بیان ایتدیکجه اسمی حذاسنه جائزه چکلمکدن عبارتدر

قرق برنجی ماده اشبونظامنامه ده محرر انتخاباتك کافه سی کرک هیئت عمومیه جه وکرک انجمنلرجه اولسون رأی خفی اصولیه اجرا اولنور هیئت عمومیه ده وقوعبولان انتخابلر ایچون اعضادن هربری رأی ورقه سنی یعنی تنسیب ایلدیکی ذاتك ویاذاتلرک اسمی حاوی یوصله بی برآچیق طرف ایچنده اولدیغی حالده ماصه نك اوزرنده کی رأی صندوقه آتار رأی ورقه لری برقاچ طاقه تقسیم اولنور هیئت اعیان کاتبلری حضور ریاستده برر برر آچوب دروننده محرر اسامی بی ثبت دفتر ایلدکدن صکره نتیجه سی رئیس طرفندن بیان اولنور

قرق ایکنجی ماده برتکلیفك مذاکره به شایان اولوب اولدیغنه هیئتجه قرار ویرلمسی هروقت طلب اولنه ییلور بومثلاو طلب وقوعنده قبول وعدم قبولی ایچون آرای هیئته مراجعتله اکثریتله قرار ویریلور انجق مواد مستعجله دن دکل ایسه مائداولدیغی انجمنك مضبطه سی هیئته کلدیکجه بوطلب جائز اوله مر قرق اوچنجی ماده بر ماده نك ترکیله دیگر بر مذاکره به چکلمک ویا بر ماده نك مذاکره سی آخر بر ماده مذاکره سنه تقدیم اولمق ویا نظامنامه داخلی به توفیق حرکت ایلدک تکلیفلرندن بری وقوعبولدیغی حالده موقع مذاکره ده بولنان ماده نك مذاکره سندن صرف نظرله ابتدا اوتکلیف حقنده آرای هیئته مراجعتله اکثریتله قرار ویریلور شوقدرکه اعضادن بری ایراد کلام اینکده ایسه سوزینی اتمام ایتدیکجه دیگر ی طرفندن اوبولده تکلیف میدانه قوبیله مر!

قرق در دنجی ماده موقع مذاکره بولنان ماده حقنده تعديلات تکليف اولنش ايسه ابتدا بوتعديلات حقنده آرای هيئته مراجعت اولنهرق اکثریتله قرار ويريلور اگر قبول اولنمز ايسه اصل ماده ايچون اکثریته مراجعت اولنور قرق بشنجی ماده موقع مذاکره بولنان بر ماده ايکی مسئله بی حاوی بولنور ايسه بر برندن تفريق ايله آری آری آرای هيئته مراجعتله اکثریتله قرار ويرلسی طلب اولنديغی تقدیرده ایفای مقتضای ضروریدر

قرق التنجی ماده قانون لایحه لری حقنده ماده بماده اکثریته مراجعت اولنور بودجه قانونه مربوط جدولر حقنده فصل بفصل استحصال رأی ایدیلور هر بر قانون لایحه سنک ماده لری بر بر اکثریتله قبول و یارد اولندقدن صکره هیئت مجموعه سی حقنده دخی آرای هيئته مراجعت اولنهرق اکثریتله قرار ويريلور

قرق یدنجی ماده مرتب اولان اعضانک نصفندن لاقل برزیده حاضر بولندجه مذاکره به بدأ اولنده من کافه مذاکرات ثلثان اکثریتله مشروط اولیان خصوصانده حاضر بولنان اعضانک اکثریت مطلقه سیله قرار کیر اولور اعطای رأی زمانده دخی اعضای مرتبه نك نصفندن لاقل برزیده موجود اولوق لایدر تساوی آرا وقوغنده رئیسک رأی ایکی عد ایدیلور عدد مرتبه نك نصفندن لاقل برزیده اعضا موجود اولوبده آرایه مراجعت اولندقدن اکثریت مطلقه حاصل اوله من ايسه موقع مذاکره بولنان ماده نك قراری ايرتسی مجلسه بر اقیلور

قرق سکرنجی ماده قانون اساسینک قرق سکرنجی ماده سنده بیان اولنديغی اوزره هیئت اعیان اعضاسندن برینک اتهامنه مانده تکلیفانک قبولی اعضای موجوده نك ثلثان اکثریتنک حصولنه متوققدر قانون اساسینک تعدیلنه دائر بر تکلیف وقوغنده هیئت اعیانک اعضای مرتبه سنک لاقل ثلثانی اتفاق ایتدکجه او تکلیف قبول اولنده من قرق طغوزنجی ماده هیئت عمومی ده هر ماده قبول و یارد اولندجه رئیس طرفندن نتیجه قرار « هیئت اکثریتله و یا بالاتفاق قبول ایتدی و یا خود ایتدی » دیو هیئته بیان اولنور

❀ سکرنجی فصل ❀

(هیئت اعیان مجالسی مذاکراتنک صورت عقدی)

التنجی ماده يوم مذاکره مجلسی رئیس کشاد ایدر مذاکراتنک اداره سی (ونظامنامه)

ونظامنامه داخلی احکامات خلدن وقایه سی ونظام وانتظامک محافظه سی رئیس
مأددر

الی برنجی ماده کاتیر مجلس ضبطرینک تنظیمه نظارت ایدر هر مجلسک
ابتداسنده کاتیردن بری پکن مجلسک ضبطی قرائت ایلر ضبط هیئجه قبول
اولندقدن صکره ضبطک وقوع بولدییگی کونده ریاست ایتش اولان ذات ایله کاتیرک
بری او ضبطی امضا ایدر

الی ایکنجی ماده روزنامه مذاکرهده محرر موادک مذاکره سنه باشلانزدن
اول هیئته تبلیغ اولتیق اوزره ویرلش ویا ورود ایتش اوراق وار ایسه رئیس
انلری بیلدیرر

الی اوچنجی ماده هیئته تبلیغ اولنه جق اوراق رئیس اعطا اولنور بو اوراق
هیئجه لزوم کورینور ایسه طبع ایتدیریلور

الی دردنجی ماده اعضادن هیچ بری رئیسدن رخصت المدقجه ایراد کلام
ایده مز رخصت الوبده ایراد کلام ایده جک اعضا محل مخصوصه چیتی لازم
کلور رئیس طرفندن مأذونیت ویریلور ایسه یرنده اولدیغی حالده یاقده ایراد
کلام ایتسی جائز اولور

الی بشنجی ماده اعضادن ایراد کلامه رخصت استیانلرک اسامیسنی وقوع
بولان طلبری صره سنجه کاتیر برور قیه قید ایدر مذاکره بقانون لایحه سی
اوزرینه جریان ایده جک ایسه اولایحه ده دائر عائد اولدیغی انجمنک تنظیم ایده جکی
مضبطه رئیس اعطا اولندقدجه لهنه وعلینه ایراد کلام ایتک اوزره کیسه نک اسمی
قید اولنه مز

الی التنجی ماده اثنای مذاکرانده ایراد کلام ایتک ایستیانلر قید صره سنجه
وقط بری لهنه وبری علینه سوز سونلک اوزره بالناوبه ایراد کلام ایدر وکلای
دولت ویا توکیل ایلدکری رؤسای مأمورین وموقع مذاکرهده بولسان قانون
لایحه سنک مضبده سنی تنظیمه نظارت ایدن اعضا قید صره سنه اتباع ایله مقید
اولیوب اثنای مذاکرهده هر نه زمان ایستر ایسه ایراد کلامه مأذون اولورلر
وکلای دولندن ویا توکیل ایلدکری رؤسای مأموریندن بری کلامه ختام ویردیکی
عقبنده اعضادن هر قغیسی ایراد کلام ایچون رخصت ایسترایسه ویریلور

الی یدنجی ماده اعضادن هر قغیسی موضوع بحث اولان مسئله دن طولانی

ذاتنه مائد برخصوص ایچون ایراد کلام ایتمک اوزره رخصت طلب ایدر ایسه
استحصال ایدر

اللی سکزنجی ماده ایراد کلام ایده نك صدددن جیقهای شرتدر چیقار ایسه
رئیس انی اخطار ایدر رئیس طرفندن وقوعبولان اخطار حقنده ایراد کلام ایچون
دیگر اعضا رخصت ایستر ایسه ویریه مز بر مقاله اثناسنده ایکی دفعه اخطار
وقوعندن صکره ایراد کلام ایدن ذات ینه صدددن خارج سوز سولمکه دوام
ایدر ایسه کندوسنك اوکون اوماده حقنده ایراد کلامدن ممنوعیتی رئیس طرفندن
هیئته تکلیف اولنوب کیفیت مذاکره دوشورلمکسزین وتعیین اسامی ویا رأی
خفییه مراجعت اولتمسزین یالکز او طوروب قالمقی ویا الی قالدیرمق صورتیه
وای ویریه رك قرار کیر اولور انجق بو صورتله اکثریت تحقق ایدوب ایتدیکی
حقنده شبهه عارض اولور ایسه اودات ایراد کلامدن منع اولتمز

اللی طقوزنجی ماده ایراد کلام ایدن ذاتك سوزینی کیمک وذاتیاته طوقنور
سوز سولمک و مجلسك نظام وانتظامنه خلل کتوره جک معاملهده بولنق قطعیا
ممنوعدر

التمشجی ماده مذاکره نك ختامی رئیس یسان ایتزدن اول هیئته مراجعت
ایدر مذاکره ختام ویرلمسنك علیه ایراد کلام ایتمک ایستیانلر اولور ایسه
یالکز انلره رخصت ویریه بیلور مذاکره ختام ویریلوب ویریه مامسی
حقنده اکثریت آرایه مراجعت اولنوبده اکثریت نه طرفده اولدیغندن طولای
رئیس وکاتبلرجه شبهه عارض اولور ایسه برکده دهآ آرایه مراجعت ایدیلور
وینه حل اشتباه اولنه ماز ایسه مذاکره دوام اولنور مذاکره ختام
ویرلمسی اکثریتله قرار کیر اولدقدن صکره مجبوت عنه اولان ماده نك لهنه
ویاعلیهنه ایراد کلام ایتمک اوزره کیسه یه رخصت ویریلوب انجق مسئله نك
وایه صورت وضعی حقنده ایراد کلام ایتمک ایستیانه رخصت ویریلور

التمش برنجی ماده هیئت عمومیه نك مذاکراتی کورلدی بی منتج اولوبده
تسکینه رئیس موفق اوله ماز ایسه یاغده قالقار اکر احوال دوام ایدر ایسه موقفا
مجلسه ختام ویره جکنی بیان ایدر ینه اعاده انتظام ممکن اولماز ایسه بر ساعت مدته
حذا کره عمومیه بی تعطیل ایدر بر ساعت مرورنده رئیس تکرار مجلسی عقد ایدن
و کورلدی تجدد ایدر ایسه ابرتسی کونی اجتماع ایملک اوزره مجلسی تعطیل ایدر
(التمش ایکنجی ماده)

التمش ایکنجی ماده هر مجلسك ختامندن اول ایرتسی مجلسك قنغی کون وساعت قاجده باشلايه جغی ونه مذاکره اولنه جغی هیئجه قرارشدیرلدقندن صکره مجلسه ختام ویرلدیکنی رئیس بیان ایدر ایرتسی مجلسك وقت اجتماعيله موقع مذاکره یه قونيله جق موادی مبین برروزنامه مذاکرات تنظیم اولنوب هیئت اعیان دائره سنك داخلنده مناسب برمحله تعلیق اولنور

❀ طقوزنجی فصل ❀

(محافظه نظام وانتظام)

التمش اوچنجی ماده اعضادن هر قنغیسی نظام وانتظامه مخالف حرکتده بولنور ویا خود اشبو نظامنامه نك الی سکز والی طقوزنجی ماده لرنده محرر حرکاتندن بريله ویا آخر صورتله نظام وانتظامی اخلاص ایدرایسه برنجی دفعه اخطار اولنور اخطار معامله سی مخالف نظام وانتظام حرکت ایدن اعضایی اسمك تصریحيله مجلسك نظام وانتظامه توفیق حرکتده دعوت ایتمکدن عبارتدر اخطار رئیسسه مخصوصدر ایراد کلام ایتمکده اولان اعضا لدی الايجاب اخطار معامله سی کورمسی اوزرینه عرض مطاوعت ایدوب تبریه ذمت ایتمك استرایسه افاده مرام ایتمی ایچون کندوسنه رخصت ویریلور اعضادن هر قنغیسی ایراد کلامه مأذون اولدیغی حالده سوز سويلسیله حقنده اخطار معامله سی اجرا اولنور ایسه تبریه ذمتی ختام مجلسده اجرا ایتمك اوزره کندوسنه رخصت ویریلور بورخصتك دها اول اعطاسی رئیسك یداختیارنده در تبریه ذمته دائر سويلنان سوزلری رئیس تبریه ذمته کافی کورمزایسه اخطاری ابقا ایدر واو حالده کیفیت ضبط جریده سنه قید اولنور

التمش دردنجی ماده اعضادن بری بر مجلسده ایکی دفعه اخطار معامله سنی کوردکدن صکره اوچنجی دفعه نظام وانتظامه مخالف حرکتده بولنور ایسه اوکون ختام مجلسه قدر ایراد کلامدن ممنوع اولمسی رئیس طرفندن هیئته تکلیف اولنوب هیئجه بوصورتك قبول وعدم قبولی بلا مذاکره ایاغه قالمق ویاال قالدیرمق صورتيله رأی ویريله رك قرار کیر اولور

التمش بشجی ماده اعضادن هرکیم التمش در دنجی ماده ده محرر اولدینی وجهله ایراد کلامدن ممنوع اولدقدن صکره ینه طریق وظیفه شناسی به عودت ایتمز ویا اوتوز کون مدت ظرفنده آیری آیری اوج دفعه اخطار معامله سنی کورر ویا هیئت عمومیه ده بر کورلدی چیقاریر ویا مجلسه دوام ایلاماک ایچون براتفاق عقدینه اولک ایاق اولور ویا اعضادن بر قاج ذاتی تحقیر و تهدید ایرایسه حقنده تقبیح معامله سینه قرار ویریلور تقبیح معامله سی مخالف نظام وانتظام حرکت ایدن اعضا حقنده اخطار معامله سینگ اجراسیله برابر حرکات واقعه سی هیئت طرفندن تقبیح اولندیغنگ علنا کندوسنه بیانی و بوحالک مجلسک ضبط جریده سینه درجی خصوصندن عبارتدر

التمش التنجی ماده اعضادن هرکیم تقبیح معامله سنی کوروبده مطاوعت کوسترمز ویا هیئت عمومیه ده برویا بر قاج ذاتی معاملات جبریه اجراسینه تشویق ایلر ویا هیئت اعیانک بر قسمنه ویا عمومیه ویا خود رئیس ویا هیئت مبعوثانه موجب حقارت برشی بیار ایسه تقبیح ایله برابر موقتاً مجلسده بولنامسینه قرار ویریلور التمش یدنجی ماده موقتاً مجلسده بولنامق معامله سینه مظهر اولان اعضا در حال هیئت عمومیه دن چیقمغه مجبور واندن صکره کی مجلسلردن بری بری آردنجه اوج مجلسده بولنقدن ممنوعدر

التمش سکنجی ماده کرک تقبیح و کرک تقبیح ایله برابر موقتاً مجلسده بولنامق معامله لری رئیس طرفندن وقوع بوله جق تکلیف اوزرینه هیئت عمومیه ده بلا مذاکره ایاغه قالمق ویاال قالدرمق صورتیله رأی ویریلرک قرار ویریلور حقنده بویله بر تکلیف وقوع بولان اعضانک قبل القرار یا بالذات ویا رفقا سندن برینک واسطه سیله تبریه ذمه حق واردر کرک تقبیح کرک تقبیح ایله برابر موقتاً مجلسده بولنامق معامله لرینه دائر هیئتجه ویریلان قرار ضبط جریده سنده مصروحا قید اولنور هیئت اعیان دائره سنگ داخلنده اعضادن بری بر جرم وجنایت ایشلایسه در حال مذاکراته موقتاً ختام ویریلوب رئیس طرفندن هیئت عمومیه ده بیان حال اولنور رئیسک امری اوزرینه جرم وجنایت صاحبی ریاست او طه سینه جلب اولنوب هیئت اعیانک اعضادن اولان کاتلری دخی حاضر اولدینی حالده کندوسندن استیضاح ماده ایدیلور انک اوزرینه بر تقریر یازیلوب ایجابنه باقلمق اوزره مقام صدارته کوندریلور

(اونجی)

❀ اونجی فصل ❀

(هیئت اعیانک انضباط داخلسی)

التمش طقوزنجی ماده هیئت اعیانک محافظه امنیتی امرنده لازم کلان تقیداتک اجرایی رئیسک وظائفی جله سندنر

یتمشنجی ماده هیئت اعیانک انضباط داخلسی هیئت نامنه اوله رق رئیس طرفدن اجرا اولنور

یتمش برنجی ماده هیئت اعیانک مذاکراتی علنی دکلدر اعیانک مذاکراته مخصوص اولان محله وکلانک ویکر منجی ماده ده بیان اولندیغی اوزره کوندر یله جک مأمورینک ودعوت اولنه جق هیئت مبعوثان اعضاسنک غیری برکیمسه برسبيله داخل اوله منر

❀ اون برنجی فصل ❀

(هیئت اعیانک هیئت مبعوثان ایله معاملات و مناسباتی)

یتمش ایکنجی ماده هیئت مبعوثاندن هیئت اعیانه ورود ایدن قانون لایحه لرینک هربری قطعاً قبول اولندجقه رئیس طرفدن مقام صدارته تقدیم اولنور

یتمش اوچنجی ماده بر قانون لایحه سی تعدیل اولنق اوزره هیئت مبعوثانه اعاده اولنوبده طلب اولنان تعدیلانک عباره سی برلکده قرار لشدرمق ایچون هیئت اعیاندن دخی انجمن تعیین اولنمی هیئت مبعوثاندن تکلیف اولندیغی حالده مخصوصاً برانجمن تعیین اولنوب تعدیلات مطلوبه نك عباره سی حقنده برانحد استحصال ائلك وختام مذاکراتده بینلرنده حاصل اوله جق نتیجه اتحادی تحریراً هیئته بیان ائتمک وظیفه سی اوانجمنه احاله اولنور

❀ ماده مخصوصه ❀

یتمش دردنجی ماده اشبو نظامنامه احکامنه توفیقاً برنجی دفعه نصب و انتخاب اولنه جق اولان رئیسک و رئیس وکیلله کاتیرک مدت مأموریتلری یک ایکی یوز طقسان اوچ سنه سی تشرین ثانیه سی ابتدا سنه قدر اوله جقدر

فی ۱۲ رمضان سنه ۲۹۴ وفی ۸ ایلول سنه ۲۹۳